

## IV. IGANDEA URTEAN ZEHAR (C)

### Otoitza

Egizu, Jainko gure Jauna,  
Zu bihotz-bihotzez maite zaitzagula,  
eta gizon-emakume guztiak geure burua bezela maita ditzagula.  
Zure Seme Jesu Kristo.

I. IRAKURGAIA: Jr 1, 4-5. 17-19

*Herrientzako profeta ezarri zintudan.*

Jeremias Profetaren liburutik

Josiasen egunetan, Jaunaren hitza etorri zitzaidan, eta honela esan zidan:

«Sabelean sortu zintudan baino lehenagotik

ezagutzen zaitut:

eta umetokitik atera baino lehenago

bereizi zintudan,

eta herrientzako profeta ezarri.

Lot itzazu, beraz, gerriak;

zoaz eta esaiezu Nik agintzen dizudana.

Ez izan haien beldurrik;

bestela Nik sartuko dizut haien beldurra.

Begira, Nik gaztelu jartzen zaitut gaur,

burdinezko zutabe eta tupikizko hesi,

herrialde guzti honen aurrean.

Borroka egingo dizute,

baina ez zaituzte menperatuko;

Ni zurekin bainnago, salba zaitzadan»

–Jaunak esana–.

ERANTZUN SALMOA: Sal 70, 1-2. 3-4. 5-6ab. 15ab eta 17

**R/. Nire ahoak iragarriko du, Jauna,  
zure salbamina.**

Zugana biltzen naiz, Jauna,  
ez nadin lotsa sekula.

Zuzena zarenez gero, aska eta onik atera nazazu,  
itzul nigana belarri hori, eta salba nazazu. R/.

Izan zakizkit gorde-harkaitz,  
gaztelu sendo ni salbatzeko,  
nire harkaitz eta gaztelu Zu baitzaitut.  
Ene Jainko, aska nazazu gaiztoaren eskutik,  
bihurrien eta zapaltzaileen ukabletik. R/.

Zu baitzaitut, Jauna, nire uste ona,  
Zu, Jauna, gazte nintzenetik nire itxaropena.  
Zugan tinkatu naiz amaren sabeletik,  
amaren erraietatik laguntzaile zintudan. R/.

Nire ahoak zure zuzentasuna iragarriko du,  
zure salbamena egun osoan.  
Zuk didazu, Jauna, gazte nintzenetik irakatsi,  
orain arte ditut zure mirariak iragarri. R/.

II. IRAKURGAIA: 1 Ko 12, 31–13, 13

*Sinesmenak, itxaropenak, maitasunak, hiru hauek diraute;  
baina hiruetan, maitasuna da nagusi.*

San Paulo Apostoluak Korintotarrei

Senideok: [Irrika itzazue dohainik onenak. Eta oraindik beste bide bikainago bat adieraziko dizuet. Nik gizakien eta aingeruen hizkuntzetan hitzegingo banu ere, maitasunik ez badut, tupiki soinuari eta ezkila tintilaria besterik ez naiz. Igertzeko dohaina izanik ere, eta ezkutuki eta jakingarri guztiak jakinda ere, eta mendiak aldatzeko adinako sinesmen osoa edukita ere, maitasunik ez badut, ez naiz ezer. Eta dudan guztia behartsuen artean banaturik ere, eta nire gorputza erretzeraino emanda ere, maitasunik ez badut, guzti hori ez dut ezertarako.]

Maitasuna eramankorra da, bihotz-bera; maitasunak ez du bekaitzik, ez haundiusterik; maitasuna ez da harroa, ez da eragabea, ez da berekoia, ez haserrekorra; ez du kaltea gogoan hartzen, ez da bidegabekeriarekin pozten, egiarekin baizik; dena barkatzen du, dena sinesten, dena itxaroten, dena ongi eramaten.

Maitasuna ez da sekula itzaltzen; goi agerpenak, bai, amaituko dira; hizkuntzak isilduko dira, eta jakintza bukatuko. Erdizkakoak dira gure jakintza eta gure agerpenak. Osoa datorkeenean, ordea, zokoratu egingo da erdizkakoak. Ume nintzenean, ume bezala mintzaten nintzen, ume bezala sentitzen nuen eta ume bezala irizten. Gizon egin naizenean, ordea, utzi ditut ume gauzak. Orain ispiluan eta ilun antzean ikusten dugu; orduan, berriz, aurrez aurre dugu ikusiko. Orain erdizka ezagutzen dut; orduan, berriz, Jainkoak ni ezagutzen nauen bezala ezagutuko dut nik.

Orain sinesmenak, itxaropenak, maitasunak, hiru hauek diraute; bain

nagusi.

EBANJELIOA: Lk 4, 21-30

**Aleluia:** Ik. Lk 4, 18a-19a

R/. Aleluia.

V/. Behartsuei berri ona ematera bidali nau Jaunak,  
gatibuei askatasuna hotsegitera. R/.

*Jesus, Elias eta Eliseo bezala,  
ez da judutarrei bakarrik bidalia izan.*

Jesu Kristoren Ebanjelioa San Lukasen liburutik

Aldi hartan, Jesus honela hasi zitzaien hizegiten: «Gaur bete da, orain entzun duzuen Liburu Santuko hitz hau». Eta guztiak aitormen egiten zioten eta harriturik zeuden, Haren ahotik graziazko hitzak ateratzen bainziren; eta honela zioten: «Hau ez al da Joseren semea?»

Eta Jesus honela mintzatu zitzaien: «Harako esaera gogoraziko didazue, noski: "Sendagile, senda ezazu zeure burua". Kafarnaunen egin omen dituzunak, egitzazu hemen ere zeure herrian».

Eta gero esan zien: «Hara Nik egia esan: ez da profetarik, bere herrian ondo ikusia denik. Egiaz esaten dizuet: Bazen emakume alargunik asko Eliasen egunetan, hiru urte eta sei hilabete zerua itxita egonik, lurralde guztian gosete gorria izan zenean; baina ez zitzaion haietako inori bidali Elias, Sidonen dagoen Sareptako emakume alargunari besterik. Eta bazen legenardunik asko Israelen Eliseo profetaren egunetan; baina ez zen haietako inor sendatu, Siriako Naaman besterik».

Hauek entzunda, haserre biziak hartu zituen sinagogan zeuden guztiak. Eta jaikirik, herritik kanpora atera zuten, eta herria eraikita zegoen mendiko amildegira eramanez, handik behera botatzeko asmotan. Bera, ordea, haien erditik igaro eta bere bidetik joan zen.

### **Oparigaien gainekoa**

Hona hemen, Jauna, aldare gainean,  
zure zerbitzarion eskaintza;  
hartzazu bihotz onez  
eta egizu guretzat sakramentu salbagarri.  
Jesu Kristo.

### **Jaunartze ondorengoa**

Indarberritu egin gaituzu, Jauna,  
gure erospeneko sakramentuaren bidez;  
iguzu, egiazko fedean beti aurrera egin dezagula,

betiereko salbamenaren janari honi esker.  
Jesu Kristo.